SEPTIEME ECRIT DES CVREZ DE PARIS,

o v

IOVRNAL

DETOVT CE QVI S'EST PASSE'
TANT A PARIS QVE DANS LES PROVINCES;

Sur le sujet de la Morale & de l'Apologie des Casuistes,

Iusques à la publication des Censures de Nosseigneurs les Archeuesques & Euesques, & de la Faculté de Theologie de Paris.

A PARIS.

M. DC. LIX.

\$ 180000 THE DE WALLETTE 177

IOVRNAL

DE TOVT CE QVI S'EST PASSE' TANT A PARIS que dans les Prouinces, sur le suiet de la Morale & de l'Apologie des Casuistes, jusques à la publication des Censures de Nosseigneurs les Archeuesques & Euesques, & de la Faculté de Theologie de Paris.

Omme la Morale des nouveaux Casuistes est vn des plus grands maux qui ait esté répandu jusques icy dans l'Eglise. & dont les erreurs sont dautant plus capables de corrompre les Fideles, qu'elles ne sont pas sur des poincts de Theologie disproportionnés à l'intelligence des peuples; mais sur des poincts les plus populaires, & les plus conformes aux inclinations corrompués de la nature: Les Pasteurs ont eû vne obligation indispensable de parler en cette rencontre; parce que le silence qui est quelques sois vtile dans les matieres hautes & cachées, eust esté criminel & inexcusable en cette occasion. C'est pourquoy, asin de faire voir à tout le monde, que Nous, ny nos Confreres des prouinces, n'auons rien obmis pour nous acquitter de nostre deuoir, nous auons jugé à propos de donner vn recit de tout ce qui a esté sait jusqu'icy sur ce sujet.

Les Escrits intitulez, Lettres écrittes à un Pronincial par un de ses amis, ayant parû en l'année 1656, qui découuroient un grand nombre de pernicieuses maximes, tirées des Lutres des nouveaux Casuittes, Monsseur de saint Roch Syndic des Curez de Paris en donna aduis en leur Assemblée ordinaire du 12. May 1656, & dist, que si les propositions contenues dans ces Lettres choient sidellement tirées des Casuistes, il jugeoit que la Compagnie deuoit demander la condamnation de ces pernicieuses maximes; & que s'il n'estoit pas veritable qu'elles sussent des Auteurs ausquels elles estoient attribuées, il falloit demander la condamnation des Lettres mesmes. Mais comme il n'y auoit point en cetemps-là de Vicaires Generaux dans le Diocese, le dessein des Curez ne pût auoir alors son effet, de sorte qu'ils surent par necessité obli-

gez de le diffèrer.

Cependant M. du Four Abbé d'Aulney, & qui estoit alors Curé de saint Maclou de Roüen, ayant parlé auec beaucoup de zele & de courage contre ces propositions dans quelques vns de ses sermons, & entr'autres dans celuy qu'il prononça au Synode de Roüenle; o. May de la mesme année en presence de plus de douze cens Curez, & de Monseigneur l'Archeuesque mesme; les Iesuites s'en trouuerent étrangement offensez par le seul interest qu'ils prenoient à la dessense sermons. Ilsen firent donc grand bruit: & le P. Brisacier Recteur du college de la mesme Ville, presenta Requeste à Monseigneur l'Archeuesque, contre M. du Four: Ce qui estant venu à la connoissance des Curez de Roüen, ils crûrent estre obligez de prendre part à cette querelle de leur Confrere, attaqué en vne partie qui les touchoit également, puis qu'ils ont interest de veiller à la bonne doctrine, & à la pureté des mœurs, d'où dé-

pend le falut des Ames qui leur font commises.

Mais pour proceder meurement en cette affaire, & ne s'y pas engager mal à propos, ils delibererent dans vne de leurs Assemblées de consulter les Liures d'où les Lettres Prouinciales rapportent ces Propositions, asin d'en faire des Recueils & des Extraits sidelles, & d'en demander la condamnation par des voyes Canoniques, si elles se trouuoient dans les Casuistes, de quelque qualité & condition qu'ils sussent et les ses y trouuoient pas, a bandonner cette cause, & poursuiure au mesme temps la Censure des Lettres au Prouincial,

qui alleguoient ces doctrines, & qui en citoient les Auteurs.

Six d'entr'eux furent nommez de la Compagnie, pour s'employer à ce trauail. Ils y vacquerent vn mois entier auec toute la fidelité & Pexactitude poffible: ils chercherent les textes alleguez. Ils les trouuerent dans leurs Originaux & dans leurs fources, mot pour mot comme ils estoient cottez: ils en
fifent des Extraits, & rapporterent le tout à leurs Confreres dans vne seconde Assemblée; en laquelle pour vne plus grande precaution il sut arrassé que
ceux d'entr'eux qui voudroient estre plus éclaircis sur ces matieres, se rendroient auec les Deputez en vn lieu où estoient les Liures, pour les consulter
derechef, & en faire telles conferences qu'ils voudroient. Cet ordre sut gardé,
& les cinq ou six iours suiuans il se trouua dix ou douze Curez à la fois, qui
firent encore la recherche des Passages, qui les collationnerent sur les Auteurs, & en demeurerent satisfaits, comme tout cela est rapporté dans vne
Lettre érite par vn des Curez de Roüen, & imprimée auec la Requeste qu'ils
presenterent au nom de leur Compagnie, & d'autres procedures qu'ils ont
faites dans la poursuite de cette affaire.

Sur cela les Curez de Rouen resolurent de presenter Requeste en leur nom pour la condamnation de ces maximes impies; & Monseigneur leur Archeuesque suivant les Conclusions de son Promoteur general, & de l'aduis de son conseil, considerant que cette assaire touchoit toute l'Eglise, & que le Clergé estoit alors assemblé à Paris, renuoya l'affaire à l'Assemblée generale, & mesme deputa vn de ses Grands Vicaires pour y presenter de sa part cette

Requeste, & les Extraits de ses Curez.

Cependant les Curez de Paris, qui veilloient de leur part pour garantir leurs peuples de ces corruptions, furent derechef auertis par M. le Curé de saint Roch Syndic, qu'il estoit temps de donner ordre aux maux qui menaçoient l'Eglise, & de penser à chercher les moyens pour en arrester le progrés.
Les Curez de Roüen qui espererent beaucoup d'assistance des Curez de Paris, leur écriuirent; & M. le Curé de saint Paul presenta le 7. iour d'Aoust 16 5 6. en leur Assemblée ordinaire qu'ils sont tous les mois pour aussier aux besoins de leurs Parroisses, vne Lettre qu'il receut de M. du Four au nom de ses Conferers les Curez de Roüen, pour prier tous ceux de Paris de les assister de leurs conseils, & d'interuenir auec eux pour la dessense de leur sconseils, & d'interuenir auec eux pour la consolation que toute la Compagnie auoit receué de leur Lettre, & l'assistance qu'ils pouuvoient esperer d'eux.

Dans le mois de Septembre suivant les Curez de Paris donnerent auis aux Curez des Prouinces de cette mauvaise Morale qui menaçoit toute l'Eglise, afin qu'auee la permission de Nosseigneurs leurs Prelats ils s'vnissent à eux, & interuinssent dans la dessense de cette cause. Surquoy les Curez de Paris receurent en bonne forme, & gardent en leurs Registres les Procurations des Curez d'yn grand nombre de Villes des plus considerables du Royaume.

M.le Curé de S. Roch ayant remonstré à leur assemblée que pour proceder en cette affaire plus meurement & d'vne maniere irreprochable il estoit important d'examiner les liures mesmes des Casuistes, d'en extraire sidellement les Propositions, pour demander la censure à l'Assemblée generaledu Clergé qui estoit dessa saise de cette affaire, & d'en députer que lques-vns à cét esset, & il sut conclu qu'on presenteroit requeste à M.le grand Vicaire, pour luy demander la condamnation de cette doctrine, ou le renuoy de l'affaire à l'Assemblée generale du Clergé, & on presente requeste à M.l'Ossicial pour insormer de l'Auteur & Imprimeur de l'Apologie, & pour demander la reparation des iniures qui y sont contemblés contre l'homeur des Curez.

On deputa en suitte plusieurs Curez pour examiner les propositions, lesquels y ayant trauaillé, & extrait 38. propositions de diuers auteurs, il sut deliberé qu'ils les presenteroient à l'Assemblée, pour en demander la condamnation; ce qu'ils firent, & quelque temps apres ils en presenterent encore plusieurs autres auec vne remontrance à Nosseigneurs de l'assemblée, qui leur sut portée le 24. Nouembre, signée par messieurs de S. Roch & des SS. Innocens Syndics: L'Assemblée nomma Nosseigneurs l'Archeuesque de Thoulouse, & les Eucsques de Montauban, de Constance, de Vannes & d'Aire, pour faire droit sur la

Requeste des Curez & sur leurs Extraits.

Ces propositions parurent si horribles à tout le monde, qu'on s'attendit d'en voir bien-tost vne condamnation celebre; & on l'auroit obtenue en esfet, si le grand nombre qui s'en trouua, & le peu de loisir qu'auoit alors l'assemblée qui estoit continuellement pressée de sinir, n'en eussent osté le moyen. Mais Nosseigneurs les Prelats voyant qu'il n'estoit pas en leur pouuoir de rendre alors cette justice, voulurent au moins faire connoistre à toute l'Eglise qu'ils n'auoient manqué que de temps: Et pour cela, ils ordonnerent que les Instructions de saint Charles seroient imprimées par l'ordre du Clergé auec vne lettre circulaire à tous nos Nosseigneurs les Prelats, qui seruiroit de preiugé de leurs sentimens, & comme d'vn commencement de condamnation de toutes ces maximes en general, en attendant que le temps s'offrit de la faire plus solemnelle.

En effet les Instructions de S. Charles furent imprimées par le commandement de l'assemblée, & par leur Imprimeur ordinaire en 1657, auec cét ex-

trait du Procés verbal.

Du Ieudy premier iour de Février à 8. heures du matin, M. l'Archenesque

de Narbonne presidant.

Monsteur de Cyron a dit que suinant l'ordre de l'assemblée, il auoit fait venir de Thoulouse, le liure des Instructions pour les Confesseurs, dressées par S. Charles Borromée, & traduites en François par seu M. l'Archeuesque de Thoulouse pour la conduitte des Confesseurs en Diocese. Et pluseurs de Messeigneurs les Prelais qui ont leu ledie liure, ayant representé qu'il seroit tres-vitile. É principalement en ce temps eu l'onvoit auancer des maximes si pernicieus es se sont aires à celles de l'Euangile, & où il se commet tant d'abus en l'adminstration du Sacrement de Penience, par la facilité & l'ignorance des Confesseurs, l'Assemblée a prié M. de Cyron de prendre soin de le

faire imprimer, afin que cét ouvrage composé par vn si grand Saint auec tant de lumiere & de sagesse, se repande dans les Dioceses, & qu'il puisse server comme d'une barriere pour arrester le cours des opinions nouvelles qui vont à la destruction de la Morale Chrestienne. Voila tout ce que Nosseigneurs les Eucsques purent faire: & ilsont témoigné à tout le monde se regret qu'ils ont eu de n'auoir pas eu le temps de consommer cette essaire: Et ils continuent tous les jours de témoigner comme a fait encore M. de Conserans par cette lettre.

Réponse de Monseigneur l'Euesque de Conserans à la Lettre de Messieurs les Curez de Paris.

Messievrs,

l'ay fait part à Messeigneurs d'Alet, de Pamiers, de Comenges & de Bazas de la Lettre que vous m'auez fait l'honneur de m'écrire, & que Monsteur le Curé de Sainet Roch a pris la peine de me faire tenir ; ils vous en rendent leurs tres-humbles graces. Ils y ont veu auec une joye sensible vos genereux ressentimens pour nostre commune Censure contre l'Apologie des Casuiftes ; C'est un acte de Iustice publique que nous devions à la Doctrine enseignée par I ESVS-CHRIST dans son Euangile, de la defendre en cette occasion, contre les dogmes d'une Morale relâchée qui corrompt les mœurs des fideles, qui met l'homme en la main de son cœur & de sa raison, pour en suiure les conseils souvent criminels & toujours suspects, depuis que le peché a répandu son venin dans ces deux facultez. Veus, Messieurs, auez esté les premiers qui auez, esté toucheZ de l'outrage qu'alloit receuoir par cette Morale funeste, toute l'Eglise du Fils de Dieu. Ie suis témoin de ce cry charitable de vostre gemissement, qui vint frapper l'oreille de ces Peres assemblés en la derniere Assemblée du Clergé, où l'auois l'honneur d'estre un des DeputeZ; vous leurs en portastes les plaintes, elles émeurent leurs cœurs sensiblement: Et ie sçay que sans l'obligation qui les engagea pour lors de se separer, leurs deliberations eussent confirmé toutes les vostres sur ce suiet, & qu'ils eussent proscrit par une Censure publique cette Doctrine de relâchement O' d'iniquité. Toute la posterité Chrestienne benira vostre zele, les Euesques, qui sont les depositaires legitimes de la puissance de I E SVS-CHRIST, se souviendront toussours auec les sentimens d'une reconnoissance particuliere, de ce courage fort, perseucrant & inuincible, qui vous a fait soutenir son autorité tant de fois en la cause de l'Episcopat en ces rencontres si difficiles: Ie louë Dieu, Messieurs, de m'auoir donné lieu d'estre le speltateur en vous de tous ces nobles sentimens, pendant les cinq années de mon Agence, & durant le cours de nostre derniere Assemblée. Ie vous confesse que cette veue qui m'a laissé une profonde estime de vos personnes pour toute ma vie, m'a donné des mounemens de force pour essayer de faire l'œuure de mon Ministere. Ie prie la misericorde de celuy qui a daigne de m'y appeller au milieu dema profonde indignité de vouloir m'en rendre digne: Ie vous demande pour cela aupres de luy les interces: ens efficaces de vostre vertu. O de croire que ie suis auec un respect tres-veritable.

MESSIEVRS,

Vostre tres humble & tres affectionne feruiteur, BERNARD, Euesque de Conserans. Ce fut alors que les dessenseurs de ces nouvelles doctrines, les voyant condamnées par les Prelats, & décriées parmy les peuples, se persuaderent que pour releuer le credit de leurs Casuistes, il falloit les soustenir par quelque ou-

urage considerable.

Ge dessein ne sut pas si secret, que quelques-vns ne s'en ouurissent à leurs amis, & l'on sçait qu'en plusieurs villes les Iesutes se vanterent publiquement quelque temps deuant que l'Apologie parust, qu'il viendroit bien-tost vn liure qui renuerseroit tout ce qu'on auroit écrit contre la Morale de leur Societé. Et lors qu'il sut en estat d'estre imprimé, les Iesutes mesmes en demanderent le priuilege à Monseigneur le Chăcelier, qui le leur resusa, & qui a témoigné de puis cobien il desaprouuoit ce mal-heureux ouurage. Les mesmes Iesuites solliciterent M. Grandin & M. Morel Docteurs de Sorbonne pour en tirer l'approbation, qu'ils resusernt pareillemét. Mais ceux qui auoient esperé vn si grand succés de ce liure, ne laisserent pas pour cela de se resoudre à le produire.

On vit donc paroistre sur la fin de l'année 1657. ce liure intitulé Apologie pour les Casuistes contre les calomnies des Iansenistes, dont le dessein estoit de combattre les Lettres au Prouincial sur les points qu'elles auoient representez com-

me estant contraires à l'esprit de l'Euangile.

Cet Apologiste prend pour cela vne voye toute disferente de ceux qui auoient écrit auant luy. Car il ne pretend plus qu'on ait falsisé la doctrine des Casuistes; mais reconnoissant de bonne foy qu'elle estoit telle qu'on l'arepresentée, il la soutient comme estant au moins probable, & par consequent seure en conscience.

Encore que ce liure ne se vendit pas publiquement parce qu'il n'auoit pas de priuilege, on n'auoit pas neanmoins de peine a en recouurer, les Iesuites ayant bien voulu le debiter. El le vendre eux-mesmes dans leur College de Clermont à Paris, où vn grand nombre de personnes en ont fait acheter autant qu'ils en ont voulu. Ces Peres, de plus, en donnerent en mesme temps tant à raris qu'à Roüen, & aux autres villes du royaume, à beaucoup de Magistrats, & à beaucoup de personnes de qualité, comme le plus excellent ouurage qui eut paru depuis long-temps.

Mais il en arriua le contraire de leur pretention. Car ce liure ne fit qu'augmenter l'auersion qu'on auoit dessa conceile pour les maximes des Casuistes; & les personnes de qualité surent étrangement sandalisées de la hardiest auec laquelle on les y representoit de nouueau, comme des veritez de la Morale Chrestienne, ainsi qu'il est porté dans le tiltre mesme de cette Aporale Chrestienne, ainsi qu'il est porté dans le tiltre mesme de cette Aporale Chrestienne.

logie.

Il ne se passa rien sur ce sujet jusqu'au commencement de l'année 1638, que les Curez de Paris estant émeus, tant par l'horreur que seur auoit causée la lecture de ce Liure, que par les plaintes qu'ils en recenoient tous les iours, prirent dessein d'apporter quelques remedes aux mauuaises suittes qu'il pouuoit auoir.

L'ouverture en fut faite par leurs Syndics Mcssieurs les Curez de saint Roch, & des saints Innocens le Lundy 7. Ianuier en leur assemblée ordinaire: Ils y representement ainsi qu'il est porté par leur registre, que depuis peu de jours il se debitoit sous main, sans nom d'auteur n'y d'imprimeur vn liure intitulé, Apologie pour les Cassisses, dans lequel il y auoit grand nombre de

G iii

fausses & dangereuses Propositions, non seulement contre la conduite & le salut desames, & contre les bonnes mœurs; mais mesme contre la seureté blique. Et qu'ainsi non seulement M.le Cardinal de Rets Archeuesque de Paris, ou Messieurs ses grands Vicaires, mais aussi les Magistrats & les Iuges. auoient grand interest à la condamnation de cette pernicieuse Apologie. Et sur ce rapport, la Compagnie, comme il est dit dans le registre, ne voulant pas oublier son zele ordinaire dans la poursuitte d'vne affaire de cette qualité,resolut de s'adresser tant à Messicurs les Vicaires Generaux pour leur faire plainte de ce libelle, & en demander la Censure, qu'à Messieurs les Gens du Roy, pour leur denoncer ce pernicieux liure, & demander & suiure leurs ordres dans la poursuitte de cette affaire. Et pour cét effet la Compagnie députa Messieurs de S. Paul, de S. Roch Syndic, de S. André des Arcs, des Saints Innocens, de S. Eustache, de S. Christofle, de S. Medar & de S. Pierre aux Bœufs, pour en conferer ensemble, verifier sur le liure mesme les Extraits de quelques vnes de ces dangereuses Propositions, les porter tant à Messieurs les Vicaires Generaux qu'à Messieurs les Gens du Roy, & à en poursuiure incessamment la condamnation; mesme de s'adresser à Messieurs le Doyen & le Syndic de la Faculté, afin qu'ils le denonçassent & qu'ils en fissent leur rapport à la Faculté, pour auoir la Censure d'vne si mal-heureuse doctrine.

En suitte de cette resolution, les Deputez ayant trauaillé aux Extraits, allerenttrouuer les personnes ausquelles la Compagnie leur auoit ordonné de s'adresser. Et le Lundy 4. Février 1638. les Curez s'estant assemblez M. de S. Roch ayant fait la lecture de deux Requestes dressers par ordre de la Compagnie, & suiuant la conclusion du Lundy 7. Ianuier, l'vne à Messeurs les Vicaires Generaux, & l'autre au Parlement, pour la condamnation du liure intitulé Apologie pour les Casinistes, &c. il su resolu que ces Requestes seroient signées par les Curez qui estoient presens à l'assemblée, & qu'elle seroit aussi enuoyée à ceux qui ne s'y estoient pas trouuez pour estre signée, parce qu'il s'agissoit d'yne assaire qui les touchoit tous egalement.

Le mesme M. de S. Roch representa encore qu'vn Factum estant vne chose qui pouvoit beaucoup servir dans la poursuite de cette affaire; la Compa gnie en avoit fait dresser vn pour faire voir les causes & les motifs de ses instes procedures contre ce pernicieux libelle. Surquoy les huit Deputez qui ont esté nommés surent priez de le voir & de le faire imprimer, pour estre distribué

par tout où il seroit à propos.

Deux iours aprés cette affemblée le Roy manda les Curez de S. Paul & de S. Roch, qui estant arriuez au Louure furent conduits dans la chambre de M. le Cardinal; où estoit le Roy auec son Eminence, M. le Chancelier, M. Seruien, M. le Procureur General & M. de Brienne. Le Roy dit aux Curez, qu'il les auoit mandez sur le sujet que M. le Chancelier leur diroit. M. le Chancelier dit, que le Roy vouloit estre informé de ce qui s'estoit passé dans leur assemblée du Lundy dernier. Les Curez répondirent que sur le rapport sait par les Syndics qu'vn-liure abominable commençoit à paroistre, qui alloit à la destruction de toute la Morale Chrestienne & de la seureté publique, ils auoient resolu d'en poursuiure la condamnation, & signé pour cela deux Requestes, l'vne à Messieurs les Vicaires Generaux, & l'autre au Parlement. M. le Cardinal demanda pourquoy on auoit eu recours au Parlement? Que

si M. l'Archeuesque estoit present les Curez auroient eu recours à luy, ainsi qu'en sonabsence ils se deuoient contenter de recourir à ses Vicaires Generaux.

Les Curez répondirent, que comme l'Apologie n'alloit pas seulement contre les principes de la Religion chrestienne, mais encore côtre les loix Ciuiles, par les permissions qu'elle donne de voler & de tuer. Ce liure deuoit estre condamné non seulement par les luges Ecclessastiques, mais encore par les Seculiers, outre qu'estant rempli de calomnies & d'injures contre les personnes des Curez, pour détourner les Peuples de la creance qu'ils deuoient auoir en eux, ils estoient obligez par le deuoir de leurs charges d'en poursuiure l'Imprimeur & l'Auteur pour leur faire faire reparation de ce scandale, dont Messeurs les Vicaires Generaux ny la Faculté de Theologie ne pouuant connoistre, ils auoient esté conseillez de presenter leur Requeste au Parlement.

M. le Cardinal repartit, que tant pour l'information que pour la reparation d'honneur, les Curez pouuoient s'adresser à l'Official. Les Curez répondirent, qu'ils n'auoient osé s'adresser à M. l'Official : & que la raison qui les auoit retenus estoit, qu'ayant vn peu auparauant vn sujet pareil de se plaindre du P. Bagot Iesuite, qui les auoit traittez dans vn liure d'une maniere aussi outrageuse; ils s'estoient adressez à M. l'Official pour en auoir iustice : Mais nonobstant que le P. Bagot eut mis Procureur, & qu'il y eut trois appointemens donnez à l'Audience auec luy, il ne laissa pas de se pouruoir au Conseil , & y obtint vn Arrest sur Requeste au rapport de M. Balthasar frere du P. Balthasar Iesuite, en datte du 3. iour d'Aoust 1657. Signifié aux Syndics, par lequel le P. Bagot auoit esté déchargé de l'affignation, & deffense faite aux Curez de plus vser de telles voyes, & à l'Official d'en connoistre à peine de nullité des procedures, de cassation des Sentences & de tous dépens, dommages & interefts : & que c'est ce qui les auoit retenus, de s'adresser à M. l'Official par la crainte d'vn semblable Arrest, qui seroit aussi facile d'obtenir que le premier sans appeler les Curez, & en faueur d'vn Auteur qu'ils sçauent asseurément estre le P. Pirot Iesuite, & sur le sujet d'vn liure dont les Iesuites en corps se rendent les deffenseurs.

Sur cela son Eminence dit, qu'il ne falloit pas souffrir que les Curez de Paris sussent offensez par des liures injurieux, & supplia sa Majesté de commander que l'Arrest dont ils se plaignoient sût cassé & reuoqué, ce que le

Roy out la bonté d'ordonner à l'heure mesme.

Et quant au sujet dont il s'agissoit du liure de l'Apologie, M. le Chancelier dit, qu'on luy auoit demandé permission de l'imprimer, & qu'il l'auoit refusée. A quoy les Curez repartirent, que puis qu'il connoissoit ainsi ceux qui luy auoient fait cette demande, il estoit de sa bonté & de sa Iustice de fauorisser les Curez dans la poursuitte qu'ils faisoient contre des gens qui anoient contreuenu à ses ordres.

M.le Cardinal dit, que pour ce qui regarde la suppression du liure & pour en empescher la vente & les autres impressions, que les Curez pouvoient se contenter de l'Ordonnance faite par M.le Lieutenant Civil & publiée depuis peu

de iours.

Les Curez répondirent que tant s'en faut que cette Ordonnance leur sus fauorable, qu'elle leur estoit plûtost contraire, & qu'il y auoit apparence qu'elle auoit esté sollicitée par les Iesuites mesmes, parce qu'elle comprenoit

dans vne mesme condamnation, non seulement l'Apologie; mais encore les écrits des Curez de Paris, qu'ils auoient presentez à l'Assemblée generale du Clergé, & qui estoient imprimés en mesme volume auec les Lettres Prouinciales, que cette Ordonnance dessendoit aussi: outre que dans les occasions où il s'agistoit de liures semblables à l'Apologie, qui vont contre la Religion & l'Estat, on auoit accoustumé de s'adresser directement au Parlement, qui a le pouvoir de la Police generale & Souveraine; comme quand il auoit esté question de condamner les liures de Santares & de Mariana Iesuites. Et qu'il s'agissoit icy d'vn liure plus dangereux que tous les autres, & dont la doctrine est prejudiciable, non seulement au salut des ames; mais aussi à la seureté de la personne des Roys & de leurs Ministres.

En suitte dequoy M. le Chancelier dit aux Curez, que le Roy vousoit qu'ils s'adressaint sur toutes choses aux grands Vicaires, à l'Official & à la Faculté: & que sa Majesté n'auoit pas agreable qu'ils s'adressassient au Parlement, mais qu'elle manderoit à la Faculté de Theologie de trauailler in-

cessamment à l'Examen & à la Censure du liure.

Les Curez ayant appris la volonté du Roy promirent d'y obeir ponctuelle-

ment & se retirerent.

Le 7. iour de Février 1658. M.de S.Roch fut prié de se trouuer chez M. le Lieutenant Ciuil, où s'estant rendu, il le trouua accompagné de M. le Lieutenant Criminel & de M.le Procureur du Roy au Chastelet. M.le Lieutenant Ciuil luy demanda pourquoy Messieurs les Curez de Paris ne s'estoient point adressez à eux, pour la suppression du liure de l'Apologie pour les Casuistes.

M. de S. Roch répondit, que les Curez auoient esté conseillez de s'adresser à la Iustice, & Police du Parlement, comme souueraine & ordinaire en matiere de liures d'vne doctrine aussi méchante que celle de l'Apologie : que les Curez ayant dessein non seulement de faire supprimer ce liure, mais aussi de le faire condamner au feu, à quoy ils estimoient l'autorité de la Cour estre necessaire, ils auoient crû deuoir s'y adresser : outre que M. le Lieutenant Ciuil par son Ordonnance, du 25. iour de Januier 1658. sans ouir les Curez de Paris, ayant supprimé leurs Requestes, Extraits & autres écrits auec les Lettres au Prouincial, ils ont crû que cette Ordonnance auoit esté sollicitée & obtenuë par les Iesuites mesmes, afin d'éuiter vne plus seuere condamnation du Parlement. A quoy il ajoûta plusieurs autres choses touchant les perilleuses consequences de ce liure. Et s'adressant à M. le Procureur du Roy, il luy dit, que ce seroit vne chose digne de sa charge & de sa Iustice de requerir qu'il fût informé de l'Auteur & de l'Imprimeur de ce méchant liure, & le lendemain 8. Février on vid paroistre vne nouuelle Sentence de M. le Lieutenant Ciuil, portant desfenses reiterées de debiter, imprimer ou vendre l'Apologie pour les Casuistes, sans qu'il y fust parlé des Lettres au Prouincial.

Cependant les Curez ne pouuat porter leur plaintes au Parlement se lon l'ordre qu'ils en auoient receu du Roy, presenterent leur Requeste à Me les Vicaires Generaux, pour leur demander la Censure de ce liure, signée de 31. Curez, & la publier et auec vn Extrait des plus dangereuses Propositions de ce liure, & vn Fact v m, où aprés auoir representé les principales raisons, qui les auoient obligez de s'éleuer auec plus de vigueur que jamais, contre tant de pernicieuses maximes, dont les Casuistes s'essons de ruiner & de corrompre toute - 63

la Morale Chrestienne ils declarerent, Que ce qui les pressoit le plus d'agir en cette rencontre, estoit qu'il ne faut pas considerer ces Propositions comme estant d'un liure anonyme & sans autorité; mais comme estant un liure soustenu & autorisé par un corps tres-considerable: Qu'encore qu'ils n'eussent iamais ignoré les premiers Auteurs de ces desordres, ils n'auoient jumais voulu les découurir, & qu'ils ne le feroient pas encore, s'ils ne se deconuroient eux-mesmes, & s'ils n'auoient affecté de se faire connoistre à tout le monde. Mais que puis qu'ils vouloient qu'on le sceut, il estoit inutile aux Curez de le cacher ; Que puisque c'estoit chez eux dans le College de Clermont & dans leur maison Professe de la Rue Saint Anthoine qu'ils auoient fait debiter cet ouurage; Que ces Peres l'auoient porté chez, leurs amis à Paris & dans les Prouinces; Quele P. Brifacier Recteur du College de Roisen, l'auoit donné luy mesme aux personnes de condition de la ville ; Qu'il l'anoit fait lire en plein Refectoire , comme une piece d'édification & de pieté; Que les Iesuites de Paris auoient sollicité des Docteurs pour en auoir l'approbation; Et enfin qu'ils auoient leué le masque, & auoient voulu se faire connoistre en tant de manieres: Il estoit temps que les CureZ agissent ouvertement; & que comme les Iesuites se declaroient publiquement les protecteurs de l'Apologie des Casuistes dans les Chaires, à la Cour, & dans les Compagnies particulieres, les surez s'en déclarassent publiquement les denonciateurs.

Au mesme temps que les Curez de Paris témoignoient leur zele contre ce liure, les Curez de Roüen s'adressernt à Monseigneur leur Archeuesque & en suitte d'vne Procuration aussi signée de 26. Curez qui donnoient le soin à cinq d'entr'eux de poursuiure cette affaire. Ils presenterent leur Requeste, sur la-quelle M. l'Archeuesque de Roüen les renuoya par deuant ses grands Vicaires auxquels il ordonna d'examiner ce liure sans delay, en presence de M. l'Euesque d'Olonne, & de luy enuoyer leur aduis doctrinal. Les mesmes Curez de Roüen publierent aussi vn Factum, où ils sont voir vne grande partie des

plus méchantes opinions de l'Apologie.

L'onziéme de Mars les Curez de Paris s'estant assemblez & ne voulant pas negliger les poursuittes qu'ils auoient commencées contre vne si pernicieuse doctrine, deputerent Messieurs de S. André, de S. Eustache auec Messieurs les Syndics pour solliciter cette assaire auprés de Messieurs les Vicaires Ge-

neraux, & en demander incessamment la condamnation.

Cependant le Caresme estant arriué plusieurs Predicateurs à Paris & en d'autres villes de France, se crûrent obligez de faire connoistre aux peuples le danger qu'il y auoit de se laisser conduire par les maximes des Casuistes, & combien en particulier l'Apologie qu'on auoit faite pour les dessendre estoit

opposée à l'esprit de l'Euangile & à la voye du salut.

On receuoit aussi en mesme temps diuers aduis de ce que les Iesuites saisoient dans les Prouinces pour debiter & soustenir cette Apologie. On sceut entrautres chose qu'à Amiens ils l'auoient eux-mesmes donnée au Lieutenant General & au Lieutenant Particulier; Et que le Receut des Iesuites de cette mesme ville, parlant de l'Apologie à vn de ses amis, luy auoit dit, Que c'essoit une piece qui saison bruit, mais que ce n'essoit qu'à l'égard des simples des signorans, & que les scauans qui sont & seront, l'estimerent tonssours, parce que la dostrine qu'elle contient est la vernable.

On sçait aussi qu'à Rouen, un des plus habiles Conseillers du Parlement ayant demandé au P. Brisacier Recteur du College, pourquoy ils dessendoient les maximes qui étoient dans l'Apologie, ce Iesuite luy auoit répondu, Qu'elles auoient esté soutenués auant la Societé par d'autres Docteurs. A quoy ce Consciller repliqua fott sagemen: Veritablement, mon Pere, quand ce que vous dittes seroit vray, ie m'essonne par quel aueun lement vostre Societé a pris plaisir de rechercher tout cerqui est abominable dans tous les Docteurs qui vous ont précedé, ou qui vous sont contemporains, pour en faire vn corps de Morale. É l'attribuer à vostre Societé comme estant vostre propre ouurage, É l'esprit auec lequel vous conduiez ceux qui ont creance en vous. Et ce qui est encore pis, vous remuez, Ciel É Terre, É importunez toutes les puissances tant ecclesiastiques que seculieres, pour faire passer ces erreurs, É condamner d'heresse les veritables maximes qui sont contraires aux vostres.

A Bourges vn Religieux estant allé trouuer le P. Ragueneau Iesuite son cousin, & luy ayant porté la Requeste & le Factum des Curez de Paris, luy cottant les méchantes Propositions de l'Apologie, ce Pere luy répondit; Que ce liure de l'Apologie estoit tres excellent & tres bien fait; que les Docteurs de Sorbonne qui l'auoient examiné n'y auoient rien trouve à redire; qu'ilne pouvoit estre que tres-bon, ayant esté composé par un se aunt homme Religieux de leur Compagnie, qui se nommoit le P. Pirot, Regent depuis long temps en Theologie, Confesseur

celebre, grand amy & compagnon du P. Annat.

L'affaire de l'Apologie demeura quelques temps en cét estat, les Docteurs deputez pour l'examiner n'en ayant encore sait aucun rapport en Sorbonne, & les Curez se contentant d'auoir publié leur Factym, & d'en solliciter la Censure auprés des Vicaires Generaux. Mais les Iesuites voyant le décri public oû se trouuoit leur doctrine par les poursuites des Curez, resolurent de répondre à leur Factym: Ce qu'ils firent en diuerses seüilles qu'ils publierent de temps en temps durant l'espace d'enuiron yn mois.

La premiere portoit ce tiltre, Refusation des calomnies publiées contre les Iesures, par les Auteurs d'un Factum, qui a paru sous le nom de Messieurs les Cure de Paris à l'occasion d'un liure intitulé, Apologie pour les Casussies contre les calomnies des Ianssensses. Dans cét écrit pour auoir plus de liberté de décrier les Curez de Paris, ils seigneut que le Factum n'est point des Curez : Qu'il est indigne de leur peté de leur vertu : d'comme nous ne leur imputons point, disentils, les sausses de mans point ensse de leur partie de leur vertu : de comme nous ne leur imputons point ensse ils, les sausses de leur pete de leur vertu : de comme nous ne leur imputons point ensse ils, les sausses de leur pete de leur vertu : de comme nous ne leur imputons point ensse les remplis qu'ils

aient part à l'infamie qui en reuient à ses Auteurs.

Mais il est à remarquer que les Curez ayant déclaré dans leur Factum, que la raison qui les obligeoit de s'adresser directement aux Iesuites en particulier en agissant contre l'Apologie, est qu'eux mesmes auoient affecté de faire connoistre à tout le monde que l'Apologie sortoit de chez eux, l'ayant eux mesmes vendue, donnée à leurs amis, & sollicité des Docteurs de l'approuuer. Les Iesuites qui parlent en leur no dans cét écrit intitulé Resuation, & e. ne disent pas vn seul mot contre ces saits si importans, ny dans cette réponse, ny dans les autres, & qu'ils ne l'ont iamais sait dans aucun de leurs écrits; & ne desauoient en aucune sorte de l'auoir vendu eux mesmes, & assez cher, & de l'auoir porté de tous costez à leurs amis.

Les Curez de Paris ne furent pas peu surpris de la hardiesse auce laquelle la Societé osoit soustenir par vn écrit public qu'vn Factum qu'ils auoient dresse, publié, presenté à Messieurs les Vicaires Generaux, & distribué dans leurs Paroisses, leur estoit supposé. C'est pourquoy en leur assemblée ordinaire du

7. Auril 1658. ils resolurent, pour détruire entierement cette fausseté, qu'il seroit fait vn Acte par lequel les Curez auoueroient ce Factum, comme ayant esté sait & publié par eux; Et il y eut huict Commissaires nommez pour dresser l'original de cét Acte: Ce qui sut executé peu aprés, & c'est leur second écrit intitulé, Réponse des Curez de Paris pour soutenir le Factum par eux presenté à Messeurs les Vicaires Generaux, contre un écrit mittelé, Réstation des calomnies publiées contre les Iesures par les Auteurs d'un Factum, qui a paru sous le nom de

Messieurs les Curez, de Paris.

Ils representeurent aussi que les Iesuites auoient vsé dans leur écrit de la mesme temerité, sur le sujet de la lettre Circulaire que l'Assemblée generale du Clergé a fait adresser à tous les Euesques de France, pour preseruer leurs Dioceses de la corruption des Casuites, ayant osé dire de cette lettre, Que c'est une piece sur present aueu, sans ordre & sansonie. Sur quoy les Qurez de Paris pour consondre dauantage cette hardiesse, iugerent à propos d'en écrire à Monsseur l'Abbé de Cyron, qui auoit eu ordre de l'assemblée de dresser cette lettre, pour servir de Presace au liure des Instructions de S. Charles. M. de S. Roch en prit le soin, & voiey ce que M. de Cyron luy répondit d'auprés de Thoulouze le 25. May 1658.

A MONSIEVR,

Monsieur le Curé de S. Roch, Syndic des Curés de Paris.

MONSIEVR,

Ie dois rendre témoignage à la verité, que ie n'ay pas tant de part comme vostre Compagnie a crû à ce bel ouurage de l'Assemblée, quoy que ieme glorifie bien d'y en auoir un peu. Ceux qui ne veulent pas reconnoistre cette piece comme un ouurage de cet auguste corps, en ont conceu des idées bien basses, & luy font une grande injure; pui sque non seulement il luy appartient, mais ausi à tous les Euesques qui estoient pour lors à Paris. I'en sis la proposition à la priere de plusieurs Prelats de l'Assemblée; & pour la rendre plus autentique , ie pris occasion de la convocation des estrangers qui avoient esté appellez pour quelque affaire extraordinaire. Ie ne scay pas comment l'on peut se persuader que de telles actions cherchent les tenebres. l'ay veu tousiours Messeigneurs les Prelats fort disposez à condaner toutes ces maximes diaboliques qui ont paru das les Extraits, & l'horreur que tous en témoignoient, fai soit bien paroiftre qu'ils n'estoient retenus que par leur peu de loisir, & par la necessité qu'on avoit de conclure une si longue Assemblée. En verité, il ne semble qu'il ne faut que croire en Dieu, & n'auoir pas renoncé aux premieres notions du Christianisme pour auoir en execration une telle Morale. Ie m'estimerois heureux de la pouvoir noyer dans mon sang. Mais puisque ie n'ay que des desirs fortinutiles pour le soustien d'une cause aussi iuste & aussi sainte que la votre, ie vous supplie d'agréer que ie joigne mes vœux o mes prieres à vos illustres

trauaux, & que ie die, EXVRGE DEVS IVDICA CAVSAM IVAM. Souffrez, Monsieur, que ie joigne à ces foibles souhaits l'asseurance de mes respects en qualité de

MONSIEVR,

Vostre tres-humble & tres-obeysfant seruiteur DE CYRON.

Ce second écrit des Curez de Paris, par lequel leur Factum est publiquement auoüé & la supposition des Iesuites renuersée, est signé des S. Gurez de-

putez de tout le corps.

Cependant on procedoit à l'examen de l'Apologie dans la Sorbonne. M. Meffier Doyen rapporta que monseigneur l'Euesque de Rhodez leur auoit fait dire à m. le Syndic & à luy, que l'Auteur de l'Apologie demandoit d'estre entendu par les examinateurs de son liure, auant qu'on en sist la Censure, à quoy la Faculté consentit, & pria monsieur l'Abbé le Camus Docteur de Sorbonne & Aumônier ordinaire du Roy, d'assurer m. de Rhodez que la Faculté auoit accordé ce qu'il auoit demandé, sans differer neanmoins la deliberation qu'on auoit desia commencée.

C'est pourquoy le lendemain qui estoit le 9. d'Auril, on continua à opiner; & le 10. la Censure de trois Propositions, touchant la Simonie & les occasions

prochaines fut concluë.

Le mesme iour 10. d'Auril, M.l'Abbé le Camus alla trouuer M. de Rhodez, & luy dit de la part de la Faculté qu'elle écouteroit l'Auteur de l'Apologie, & le 17. le mesme Abbé qui deuoit partir pour aller faire sa charge d'Aumônier auprés du Roy, pria M. Gauquelin le plus ancien des deputez de la Faculté pour l'examen de l'Apologie, de rapporter à la Faculté, ce qu'il auoit dit à M. de Rhodez & au P. Annat, touchant l'audience qu'elle auoit accordée à l'Auteur de l'Apologie, Et sur ce que M. Gauquelin luy dit qu'il pourroit bien arriuer que les Iesuites le desauoiteroient de la proposition qu'il auoit faite à la Faculté de leur part; il répondit qu'il auoit pour cela vne lettre du P. Annat en bonne forme, & qu'il la gardoit pour la monstrer s'ils le desauoioient.

M. l'Euesque de Rhodez continuant toûjours de poursuiure cette conference, M. Gauquelin l'alla trouuer pour luy dire qu'il confereroit le samedy d'apres. Il rencontra auec luy le P. Annat, qui ayant entendu cetteréponse, luy demanda en quel lieu cette conference se deuoit faire; il luy dit qu'il n'y en auoit pasde plus propre que la maison de la Faculté. Mais le P. Annat ayant fait difficulté d'accepter ce lieu, d'autant qu'il n'y auoit pas la sse le Casuistes, M. Gauquelin répondit qu'il n'auoit ordre que de faire quelques propositions à l'Auteur de l'Apologie, d'entendre ses réponses, de les écrire, de les luy faire signer, & mesme auant que de luy faire aucune proposition, de voir s'il estoit autorisé par son Superieur, par vn acte qu'on luy mit entre les mains, par lequel il parust qu'il auoit permission de venir dessendre le liure qu'il auoit fait, & qu'il se soumettoit au sugement de la Faculté. Surquoy ils se separerent sans conclure s'ils confereroient le samedy suiuant ou non.

Les Iesuites voyant que tous les efforts qu'ils auoient faits pour la dessence de l'Apologie estoient inutiles, allerent trouuer M.le Cardinal pour le coniurer de prendre la protection de leur Compagnie, en empeschant que ce li-

", ure ne fut censuré. Mais il leur répondit, Que le Roy par vn surcroist de bonté
", pour eux, auoit arresté les poursuites que les Curez de Paris auoient commencé de faire au Parlement, mais que leur ayant permis au mesme temps de s'addeust maintenant employer son autorité, pour empescher les Vicaires ceneraux
deust maintenant employer son autorité, pour empescher les Vicaires ceneraux

k la Faculté de condamner vn liure que tout le monde disoit estre fort méchant. Surquoy M. le Tellier dit aux Iesuites, Qu'il estoit estonné de la conduite de leur Societé, qu'à peine estoient-ils hors de l'affaire que les Curez de
Paris auoient porté au Clergé, & que sans considerer le peril dont ils n'estoient pas encore sortis, ils venoient de mettre au jour vn liure qui renouueloit toutes les propositions que les Curez auoient voulu saire condamner, &
dont le Clergé auoit assez témoigné son auersson; & qu'au resse il pounoit
alliurer son Eminence qu'il n'y auoit rien de si persicieux que ce qu'il auoit
leu de l'Appologie, & que de toutes les personnes qu'il auoit veues qui eussent

Le vingtième du mesme mois d'Auril, Monseigneur l'Euesque d'Olonne aucc les grands Vicaires de Monseigneur l'Archeuesque de Roüen
& autres par luy deputez pour l'examende l'Apologie, luy enuoyerent
leur aduis doctrinal signé d'eux, en ces termes. Les sous-signez depusez par Monseigneur l'Ilustrissime & Reuerendissime Archeuesque de Roüen
Primat de Normandie, pour l'examen du liure intitulé Apologie pour les Casuisses, apres auoir examiné ce liure serieusement & aucc grand soin, soin d'aduis
qu'il doit estre entierement désendu & condamné, comme contenant plusieurs propsitions scandaleusses, pernicieuses, qui offensent les oreilles chaftes, qui ouurent le chemin
aux Vsures, à la Simonie, aux Meurires, aux larcins & aux autres crimes: Qui sont
contraires aux principes de l'Euangile, iniurieuses aux Sacrement de IES VS-CHRIST,
& calomnieuses: Et que pour cela il est necessaix sacrement de les vs-Christ,
et ealomnieuses: Et que pour cela il est necessaix pointes de des sons de tres-griesure
peines que personne ne soit si presomptueux que de soutenir ou de mettre en pratique
la doctrine de ce liure, & beaucoup moins encore de s'en seruir dans la conduite
des consciences. A Roüen le 15. d'Avril 1658. & signé,

IEAN EVESQVE D'OLONNE Suffragant de l'Enefché de Clermont , & Vicaire general dans les fontions Pontificales de M. l'Ar-

cheuesque de Rcuen.

ANTOINE GAVLDE Docteur de la Sacrée Faculté de Theologie de Pa-

ris, Chantre & Chanoine de l'Eglise de Rouen.

PIERRE LE CORNIER Dotteur de la Faculté de Theologie de Paris , & grand Archidiacre de l'Eglise de Rouen.

TOVSSAINT THIBAVLT, Chanoine Theologal, & grand Penitencier de l', Eglise de Rouen.

Le dernier d'Avril qui estoit le jour de l'Assemblée Synodale des Curez de Paris, tout ce qui auoit esté fait par le passé sur le suiet de l'Apologie sut consirmé: on remercia les huist deputez de leurs soins, & on les pria instamment de les vouloir continuer. Et comme c'estoit le temps de nommer de nou ueaux Syndies, on pria M. de S. Roch de continuer ses soins qui auoient esté si vtiles à la compagnie & à l'Eglise entiere depuis quatorze ans qu'il exerce cette charge. Mais comme M. des SS. Innocens estoit nouvellement éleu Promoteur, & qu'ainsi il ne pouvoit plus estre continué dans le Syndicat, on le remer-

H iij

cia auec beaucoup d'affection, & on le pria au moins de vouloir demeurer au nombre des deputez : Et M. le Curé de S. Eustache sut éleu Syndic à sa place.

Le deuxiesme de may M. Gauquelin apres auoir rendu compte à la Faculté de ce que m. l'Abbé le Camus auoit dit à m. de Rhodez, & au P. Annat, touchant la conference qu'auoit demandé l'Auteur de l'Apologie. & que depuis cet Auteur n'estoit point comparu, il sit son rapport de deux autres propositions de ce liure, l'vne touchant le meurtre, & l'autre touchant la calomnie. Il sut conclu que la Faculté s'assembleroit le lundy suivant, auquel iour ces

deux propositions furent censurées.

Cependant les Iesuites depuis leur prenier Escrit intitulé, Resuation, &c. auoient publié deux ou trois seuilles pour soustenir les propositions qu'on examinoit en Sorbonne. Et les Curez ayant resolu d'y respondre, le firent par leur 3. & 4°. Escrit; Ils auoient remarqué que les moyens que les Iesuites employoient pour desfendre leur méchante morale, constitoient principalement en deux choses; l'vne à citer une soule d'Auteurs de leur Societé, ou quelques autres nouveaux Casuistes aussi corrompus qu'eux ausquels ils vouloient donner une autorité souveraine dans l'Eglise; l'autre à alleguer faussement les Ss. Peres, comme estant de leurs sentimens. C'est contre ces deux excez que les Curez firent ces deux Ecrits. Le premier, qui sut reueu par les Deputez le 7. May suivant la conclusion de l'Assemblée Synodale du dernier avril, & publié peu de ioursapres, portoit ce tiltre: Troisséme Ecrit des Curez de Paris, où ils sont voir que tout ce que les sessures ont allegué des Ss. Peres & Docteurs de l'Eglise pour autoriser leurs permicieuses maximes, est absolument faux & contraire à la dobrine de ces Saints.

L'autre ecrit des Curez pour renuerser les réponses des Iesuites, & qui sut signé par les Deputez le 23 May, portoit pour tiltre: Quarrième Ecrit des Curez de Paris, où ils montrent combien est vaine la pretension des Iesuites qui pensent que le nombre des Cassustes doit donner de l'autorité à leurs méchantes maximes, &

empescher qu'on ne les condamne.

Ce fut en ce temps que monseigneur l'Euesque d'Orleans prenant l'occasion de son Synode general qui se deuoit tenir à Orleans le mardy 4. Iuin, se crût obligé de ne pas laisser sans condamnation vn liure si presudiciable au salut des ames, qui auoit esté répandu par les sessites en plusieurs lieux de son Diocese. C'est pourquoy en ayant dresse la Censure qui condamne cette apologie, comme contenant plusieurs tres-mauuaises, & tres-pernicieuses maximes, qui corrompent la discipline & les mœurs, & qui introdussent vn relâchement entierement opposé aux regles de l'Euangile, elle sut publice les Festes suitantes de la Pentecoste. En quoy il eut la gloire d'estre le premier entre tous les Prelats, qui ait condamné ce méchant liure.

L'onziéme du mesme mois de l'uin, le cinquiéme Ecrit des Curez de Paris sus signé par les huit Deputez ayant pour tiltre; Cinquième Ecru des Curez de Paris, sur l'anantage que les heretiques prennent contre l'Eglise de la Morale des Casuistes & des Iesures. C'estoit peut-estre le plus necessaire de tous les lecrits apres lequel il y a suiet d'esperer que les heretiques n'auront plus la hardiesse de prendre aucun pretexte de ces corruptions des Iesuites, & de quelques autres auteurs particuliers, pour imposer à l'Eglise des opinions

quielle abhorre.

59 Le lendemain la Faculté s'estant assemblée pour trauailler à la Genfure de l'apologie; M. le Doyen presenta vne seuille ou écrit qu'il dit auoir receu de la main de M. le Chancelier, sans nom, sans signature, & qui ne parloit ny de l'auteur de l'apologie, ny de soumission à la Faculté; mais qui estoit vne simple explication des propositions de ce liure qui auoient esté agitées & condamnées dans les assemblées precedentes. Cette piece qui fut appellée , Declaration des Iesuites sur leur Apologie pour les Casuistes; auoit esté apportée par le Prouincial des Iesuites, & le P. de Lingendes,

a M. le Chancelier, qui estoit alors auec M. le Nonce, apres auoir esté concertée de longue main entre les Icsuites assemblés des Prouinces sur le fuiet de leurs affaires. Cette piece ayant esté leue dans la faculté il y eut contestation. Quelques-vns pretendoient que cette declaration bien que deffectueuse dans les formes, devoit estre considerée, & qu'il en falloit faire cas venant de M. le Chancelier & de M. le Nonce: Mais d'autres representerent qu'il s'agissoit de matieres de Theologie; & que les Iesuites par leur declaration auoient offensé M. le Chancelier, & se moquoient de la Faculté de presenter ainsi vne piece, sans seing & sans aueu, & qui ne retractoit pas, mais qui confirmoit les erreurs de l'apologie. Ce qui ayant esté generalement suiui, la Faculté deputa à M. le Chancelier, pour luy dire que cette declaration n'estoit pas suffisante, parce qu'elle n'estoit point signée; & de plus, parce que l'ayant leue on auoit assez reconnu qu'elle ne satis - faisoit pas à ce qu'on trouuoit à redire dans l'apologie.

En suitte M. Gauquelin exposa l'aduis des Docteurs deputez touchant les Contracts vsuraires approuuez par l'apologiste. Il fit voir que le Pape Sixte V. les auoit censurez expressement dans les mesmes especes que l'auteur de

l'apologie apportoit. Et le 13. & 14. de Iuin on en conclut la Censure. Pendant que tout cela se passoit en Sorbonne, les Iesutes ne sollicitoient pas auec moins d'empressement messieurs les Vicaires generaux pour les empécher de faire vne censure de l'apologie; Et ils ne reissirent pas mieux dans leurs sollicitations. Quelque temps apres que messieurs les Grands Vicaires en eurent entrepris l'examen, les PP. Annat & de Lingendes firent tous leurs efforts pour les porter à remettre leur Censure à vn autre temps. Surquoy ces messieurs leur declarerent qu'ils estoient prests de receuoir tout ce qu'ils voudroient leur presenter pour les instruire, qu'ils y feroient toute l'attention qu'ils pourroient desirer; mais qu'ils ne pouuoient pas remettre plus longtemps l'examen de cette Apologie, apres l'auoir differé plusieurs mois.

Depuis le P.de Lingendes leur presenta la mesme declaration, qu'ils auoient fait bailler à la Faculté par M. le Chancelier, surquoy M. le Doyen luy ayant témoigné qu'il s'étonnoit de ce qu'ils s'obstinoient si fort à la deffense de ce liure; le P. de Lingendes répondit; Qu'ils estoient fâche? du bruit que ce liure causoit, mais que maintenant ils y estoient engagez : Que puisque ce liure auoit esté fait pour

la deffence de leurs Casuiftes, ils estoient obligez de le soustenir.

Mais les artifices de cette declaration ne furent pas moins reconnus par les grands Vicaires qu'ils le furent en Sorbonne, de sorte qu'elle fut absolument reiettée, comme vne piece informe & qui ne meritoit pas qu'on y eut égard. Ainsi les Iesuites se voyant décheus de toutes leurs esperances, tournerent leurs

pratiques à faire en sorte que la Censure de Sorbonne sut dressée de la maniere

a plus auantageuse pour eux qu'ils pourroient, & la moins auantageuse à leurs aduersaires. Et pour entendre de quelle saçon ils s'y prirent, il faut remarquer, que les Lettres au Prouincial qui traittent de la Morale des Iesuites, ne sont principalement que representer vne partie des erreurs dont les Curez de Paris ont demandé la Censure à l'Assemblée generale du Clergé, & qui viennent d'estre condamnées par la Faculté. Mais parce que les trois premieres font pas de Morale, les Iesuites crûrent qu'ils se pourroient servir aucc addresse de ce moyen pour y faire donner quelque atteinte, esperant la faire retomber en suite sur tous ceux qui combattoient les mesmes excez qui sont

combattus dans ces Lettres.

Dans ce dessein pendant les quinze jours qui auoient esté donnez aux Deputez pour dresser la Censure; ils menagerent l'esprit de quelques-vns d'eux, & les porterent à y inserer une clause contre les Lettres Prouinciales qui les notoit indirectement. De forte que le premier de Iuillet, la Faculté estant assemblée, M. Gauquelin apres auoir fait le rapport du proiet qu'il en auoit dresse, & de quelques difficultez touchant le contract Mohatra, nonobstant lesquelles la Faculté ordonna que ce contract demeureroit condamné: Il proposa aussi que c'estoit l'aduis de quelques-vns de Deputez d'inserer dans la Censure cette clause, Factam esse Apologiam occasione epistolarum Provincialis ad Amicum quas non probat facultas, vepote quas audinit Roma damnatas; Sur cette proposition nouvelle plusieurs Docteurs, & principalement ceux d'entre les Curez de Paris qui estoient dans la Faculté, representerent les dangereuses consequences qu'on en pouvoit tirer, pour etablir les corruptions que ces Lettres ont combattues, & que les Curez de Paris ont desserées à l'Assemblée generale du Clergé. Ils remontrerent encore que ces lettres n'ayant point du tout esté examinées, la Faculté n'en pouuoit parler ny directement ny indirectement. Et enfin que c'estoit reconnoistre l'Inquisition en France, que de faire mention d'vn jugement qu'on disoit qu'elle auoit fait. Mais comme la partie estoit liée, leur opposition sut inutile, la clause passa à la pluralité, & il sut arresté qu'on seroit rapport de tout, le seizieme du mesme mois.

Mais l'onziesme de Iuillet il suruint vne rencontre qui mit vn peu en defordre ceux qui auoient tant trauaillé à faire passer la clause contre les Prouinciales. Ce fut que monfieur Talon Aduocat general ayant appris le proiet de ces Docteurs, enuoya vn billet par son Secretaire à M. Messier Doyen de la Faculté, par lequel il le prioit de se rendre le lendemain au Parquet à 7. heures & demie du matin accompagné du Syndic, & de quatre ou cinq anciens Docteurs. Il ne maqua pas en effet de s'y trouuer, étant affisté outre le Syndic, de Messieurs Coppin, de Mincé, du Chefne & de Flauigny. On fit d'abord retirer tout le monde, , & quand ils furent seuls, M. Talon seur dit, Que le suiet pour lequel on les , auoit mandez, estoit qu'on auoit sceu que dans la derniere assemblée de Sor-"bonne, la faculté auoit arresté d'inserer dans la Censure de l'Apologie des " Casuistes, vne clause contraire aux loix de la France, qui estoit que la Fa-" culté n'approuuoit pas les lettres au Prouincial ed quod accepisset Roma fuisse ,, damnatas. Que cette façon de parler estoit contraire à la pratique du Royau-" me, & que l'on n'en pouuoit vser sans reconnoistre l'inquisition : Que si leur ,, censure eut paru en cet estat, les gens du Roy eussent esté obligez de la faire reformer.

"reformer. Mais qu'il auoit jugé plus à propos de les auertir qu'ils preuinssent cet inconuenient. Qu'on sçauoit de plus que les Religieux s'estoient trouuez en cette assemblée en plus grand nombre qu'ils ne deuoient : que la Faculté de-

" uoit faire obseruer ses propres Reglemens saits sur ce point, & les Arrests du "Parlement: qu'autrement il seroit obligé de saire donner Arrest les "Chambres assemblées pour les reduire à leur nombre. Qu'au reste il y

auoit lieu des'estonner que la raculté eut employé cinq mois entiers à faire
 la Censure d'vn aussi méchant liure que celuy de l'Apologie. Il leur recommanda en suitte d'obeir aux ordres qu'on leur donnoit, & pour preuue de leur deference il leur dit de se rendre au mesme lieu le lendemain de leur

assemblée afin d'en rendre conte aux gens du Roy.

Ces Docteurs s'estant retirez firent le seizieme de Iuillet leur rapport à la raculté de ce qui s'estoit passé, & après vne longue deliberation, il sût conclu qu'on obciroit à l'ordre de messieurs les gens du Roy, & qu'on ne feroit aucune mention de ce pretendu decret de Rome contre les Lettres Prouinciales. Aprés la Censure sut leue, approuuée, & confirmée, & on en alloit ordonner la publication, lors que tout le monde fut surpris de voir entrer en Sorbonne à point nommé M. Percheron Aumônier du Conseil, qui s'estant presenté à la porte, demanda à parler de la part de M. le Chancelier au Doyen de la Faculté. Le Doyen estant forty, il luy dit que M. le Chancelier ne youloit pas empescher leur Censure, mais qu'il prioit la Faculté d'en differer la publication jusques au retour du Roy, qui denoit estre dans huit ou dix jours. Le Doyen ayant fait son rapport on en delibera: & la conclusion sut, que comme la Faculté ne feroit pas publier sa Censure sans scauoir les intentions de M. le Chancelier, aussi elle luy enuoyeroit des Deputez pour luy remontrer les interests qu'elle auoit que cette publication ne fût pas plus long temps differée, & luy faire connoistre le scandale que ce retardement pourroit produire parmy le peuple. M. le Doyen, M. le Curé de S. Paul, M. le Curé de S. Eustache, & M. le Syndic furent nommez pour cela. On deputa de plus le mesme Doyen auec le Syndic vers M. Talon, pour luy tesmoigner que la Faculté auoit reformé cette clause de sa censure, & qu'on n'y parloit plus du decret de Rome contre les Prouinciales, ny de rien qui pût blesser les libertez de l'Eglise Gallicane.

Ces Docteurs executerent en suite leur commission tant vers messieurs les gens du Roy, que vers m. le Chancelier, qui insista toujours sur ce delay, parce dit il, que la publication de la Censure pourroit faire trop de bruit parmy, les peuples, qui ont auersson de cette méchante doctrine & de ses Auteurs; & que la presence du Roy arresteroit les desordres qui en pourroient arriuer. Ce qui a retardé long-temps cette publication, bien que le Roy sus les Iesuies ayant ioué toutes sortes de stratagemes pour essayent de l'empescher

tout à fait.

Cependant les Curez qui s'estoient assemblez le second de Iuillet, remercierent les Deputez qui auoient signé le cinquiesme Escrit, du soin qu'ils auoient pris de composer une piece si necessaire & si auantageuse à l'Eglise. Et les Issuites voyant l'estort qu'on faisoi: pour déruire leurs maximes, s'obstinerent pour les soûtenir par une piece qu'uis publierent sous ce titre: Semimens des Jesuites, & c. où ils declarent ouvertement qu'ils ne veulent point condamner l'apologie. Ce sut surquoy les Curez arresterent le 24, du messme

I

mois de Iuillet leur 6. Escrit qui a pour titre: Sixième Escrit des Curez de Paris, où ils sont voir par cette derniere piece des Iesutes que leur Societé entiere est resolue de ne point condamner l'Apologie; & où ils montrent par plusseurs exemples, qu'un des principes des plus sermes de la doctrine de ces Peres est de dessendre en Corps

les sentimens de leurs Docteurs particuliers.

Le Samedy 17. iour d'Aoust auquel auoit esté remise l'assemblée ordinaire de la Faculté, il y est contestation, dont voicy le suiet. Quelquesvns de Messieurs les Curez se plaignirent de ce que on auoit ajosté vn mot à la Censure, sçauoir nullatenus, lequel n'y estoit point lors qu'elle sut arrestée par la Faculté, & demanderent acte de l'opposition qu'ils formoient à cette addition.

Tout ce qui regardoit la Censure estoit donc terminé dans la Faculté, il ne restoit plus qu'à faire leuer l'empeschement que Monseigneur le Chance-lier apportoit à la publication. Ce qui obligea les Curez de Paris de recourir immediatement à Monseigneur le Cardinal, qui leur sit l'honneur de leur promettre que la parole du Roy seroit executée. Mais l'esset de cette promesse estant retardé par les grandes occupations de son Eminence, les Gurez de Paris deputerent exprés m. le Curé de saint Paul vers M. le Cardinal qui estoit à Fontaine-bleau, pour le prier au nom de tout le corps de saire leuer la désense de publier cette censure, à quoy son Eminence répondit qu'aussi-tost qu'il seroit à Paris il leur donneroit satisfaction.

Pendant que ces choses se passoient à Paris, les Gurez des prouinces pensoient de leur costé à la seureté du salut de Jeurs peuples en demandant à leurs

Prelats la censure de l'Apologie.

Les Curez de Neuers signalerent leur zele pour la pureté de la Morale Chrestienne, come ils auoient fait peu auparauant pour le soûtien de la Hierarchie de l'Eglise contre les mesmes aduersaires. C'est ce qui se void dans la requeste qu'ils presenterent à Monseigneur leur Eucsque le 5. Iuillet 1658. où ils luy parlent en ces termes : Les Supplians se sont déja pourneus pardenant Vous pour le premier de ces abus, qui consiste en de certaines indulgences fausses & subreptices, par le moyen desquelles les Iesuites faisoient accroire qu'on gagneroit les pardons, & qu'on déliureroit des ames de Purgatoire, pourueu qu'on communiast chez, eux, & non ailleurs, mesme aux saints sours de Dimanche, où l'on est le plus étroitement obligé d'aßifter à sa Paroisse. Ce qui estant un renuersement de l'ordre établi de Dieu, dont ils furent obligez, de vous faire leurs plaintes il y a quelques mois, la instice qu'ils en obtinrent leur fait esperer que vous ne serez pas moins porté à leur en rendre une pareille sur le second de ces abus, qui est contre la Morale Euangelique, laquelle est toute corrompue par les maximes des nouneaux Casuistes & des Iesuites & dont on a fait aujourd' buy un amas dans un libelle intitulé, APOLOGIE POUR LES CASVISTES.

Le mesme iour 3. Iuillet les Curez d'amiens presenterent requeste à M. leur Euesque, dans laquelle ils luy remontrent outre les excés de l'Apologie, les erreurs semblables enseignées publiquement dans leur ville par trois Iesuies Prosesseure des cas de conscience. Et le 27. du mesme mois, ils luy porterent en sa maison Episcopale de Montiers vn Factum sur ce suiet auec les

Extraits des Ecrits de ces mesmes Iesuites.

M. l'Euesque d'Amiens ayant receu la requeste & le Factum, ne se con-

63

tenta pas de témoigner aux Curez, par le bon accueil qu'il leur fit, combien " il approuuoit leur zele & leur pieté: Mais il leur dit positiuement, Qu'il n'auoit " iamais pû approuuer & qu'il n'approuueroit iamais la doctrine des Iesuites: ,, qu'il en auoit dit tres librement ses sentimens iusque dans le Louure en des oc-,, casions importantes, & que c'estoit vne chose étrange, combien ces maximes se ", répadoient. Il leur rapporta sur ce suiet, que faisant ses visites das Abbeuille, il » s'enquit des Prestres qui seruét aux Paroisses, ce qu'ils répodoient aux seruiteure " & seruantes qui ne se contentoient pas de leurs gages, & qui sur ce pretexte se recompensent en cachette du bien de leurs Maistres, & qu'il s'en trouua plu-" fieurs qui approuuoient ces compensations : parce, disoient ils, qu'ils auoient , appris cette doctrine des Iesuites. Il adiousta encore, sur ce que quelques Cu-", rez telmoignerent s'estonner que les lesuites enseignassent de si estranges cho-" ses dans Amiens, que ce qu'ils trouuoient estrange ne le surprenoit pas. Ie ,, suis asseuré, dit-il en propres termes, que le P. Poignant ne debite point sa " doctrine particuliere, scachez qu'autant qu'ils ont de Peres qui enseignent ", les cas de conscience en France, en Italie, en Espagne, en Allemagne. & par ", tout ailleurs, ils parlent tous le mesme langage. Les Curez crurent estre obligez depuis de rendre leur FACTVM public, & Monseigneur l'Euesque d'Amiens estant allé à Paris, ils luy en firent presenter des copies. imprimées en les accompagnant d'vne lettre fort respectueuse, à laquelle il leur fit l'honneur de répondre en cette sorte.

à Paris le 5. Sept. 1658.

MESSIEVRS,

l'ayreceu par les mains de Monsieur le Curé de S. Paul, vêtre lettre du dernier du mois passe auec six copies imprimées de la requeste, du manuscrit & des extraits que vous m'auez donne est est amiens. Apres auoir examiné le tout, se suis fort convaincu de la necessité de trauailler à l'examen de cette Morale; mais comme c'est vne affaire de tres grande consequence, se suis bien aise de prendre du temps pour en communiquer, non seulement à Messeigneurs mes confreres qui se trouvent icy presentement; mais encore auec des personnes de science & de probité reconnuë, pour ne rien faire que dans l'onté de la dostrine, & dans la communication des Eglises du royaume, & pour ne rien decider qui ne tende à l'affermisement de la so, à l'honneur de la religion, & à l'edification des ames. J'espere dans peu de iours retourner dans mon diocest, où nous en confererons plus amplement. Cependant si vous auez, quelque chose à me faire sçauoir, vous pouvez, vous adresser à Monseur le Curé de S. Paul qui est de vos amis & des miens. Ie me recommande à vos prieres, & suis.

MESSIEVRS,

Vostre tres-affectionné serviteur, & Confrere FRANCOIS, Eussque d'Amiens.

Le 12. Nouembre 1658. quelque temps apres la contestation s'estant émeué entre les Curez & les Iesuites d'Amiens, sur le suiet des Ecrits de

leurs Professeurs, dont les Curez s'estoient plaints; Monseigneur d'Amiens condamna les Iesuites par contumace aux despens enuers les Curez, & ordonna qu'ils seroient reassignez pour se voir condamner à reuoquer publiquement leurs méchantes propositions.

Les Curez de Beauuais ne firent pas moins paroistre combien ils detestent cette Apologie; car en leur Synode tenu le 10. Iuillet, où ils estoient assemblez, ils dresserent & signerent au nombre de plus de trois cens, la requeste

qu'ils presenterent à Monseigneur leur Euesque.

Les Curez de Sens ont aussi agy en cette pour suite, dans les formes les plus canoniques, & les plus regulieres qu'on puisse observer; & obtinrent de Monseigneur leur Archeuesque vne censure du; Septembre 1658, qui qualisse toutes les propositions, d'vne manieres si pleine de pieté & de doctrine, qu'encore qu'elle soit saite dans vn diocese particulier, il est vray neanmoins que c'est vne lumiere qui peut éclairer toute l'Eglise.

Le 12. du mesme mois de Septembre les Gurez d'Evreux presenterent leur requeste sur le mesme sujet à Monseigneur leur Euesque, où ils témoignent l'engagement particulier qu'ils ont de s'opposer à ces corruptions, par les intructions & exhortations qu'ils ont receuës de luy-mesme, de suiure vne Morale toute oppose, dans l'approbation qu'il donna estant Euesque d'Aire

au liure de la Frequente Communion.

C'estainsi que les Curez des prouinces trauailloient de toutes leurs forces contre ce pernicieux libelle, lors que les Iesuites à Paris, voyant que la censure de la Faculté demeuroit si long-temps sans estre publicé; commencerent à esperer qu'elle ne le seroit point du tout, en suitte dequoy les Docteurs s'assemblerent le 24. Septembre, & en deputerent d'entr'eux à Monseigneur le Cardinal, & à Monseigneur le Chancelier pour leur demander auec instance qu'on ne disserble plus cette publication.

Ils furent donc chez son Eminence, où n'ayant pû auoir audiance, ils surent chez Monseigneur le Chancelier, auquel ayant sait remonstrance sur la necessité de publier leur Censure, il leur promit d'en parler à Monseigneur le

Cardinal, & d'y faire ce qu'il pourroit.

En effet le 18. d'Octobre Monseigneur l'Euesque de Rhodez vint de la part du Roy en Sorbonne, direà M. Messier Doyen, que sa Maiesté n'empéchoit point la publication de la Censure qu'on auoit tant demandée. Et le lendemain les Docteurs, s'estant assemblez extraordinairement, conclurent vnanimement cette publication, & leur censure su imprimée, & debitée quel-

ques iours apres.

Le 30. Messieurs les Vicaires Generaux ayant assemblé tous ceux qui ont trauaillé aucc eux à l'examen de l'Apologie, ils signerent tous la Censure qui en auoit esté dresse dés le 23. Aoust, où ils ne se sont pas contentez de stêtrir en general ce méchant liure, mais en ont condamné plus de soi-xante propositions, par trente Censures, si indicieuses, si équitables, & si solides, qu'elles penuent seruir de regle dans un tres-grand nombre de points importans de la morale Chrestienne. Cette Censure su publiée aux Prônes de toutes les paroisses de Paris par l'ordre exprés de Messieurs les Vicaires Generaux le premier Dimanche de l'Aduent, lequel ils choissrent pour la rendre plus solemnelle.

Et depuis Nosseigneurs les Prelats répondant au zele de leurs Curez, ont

fait tant de censures , que toute la France en est auiourd'huy remplie, & qu'il ne peut plus rester à personne le moindre pretexte de suiure ces impietez pros-

crites par tant d'Euesques.

Monseigneur l'Eursque d'Alet, dans ce mesme temps, ayant esté vi-sité par quatre autres Evesques de ses amis Nosseigneurs de Pamiers, de Comenge, de Bazas, & de Conserans, ils crurent qu'ils pouuoient encore mieux faire en commun, & en se consultant mutuellement ce que chacun d'eux auroit pû faire en particulier, & en consultant de simples Theologiens. De sorte que leur censure arrestée le 24. d'O ctobre 16,8. n'estant qu'vne par l'vnion du mesme Esprit & du mesme zele, tient veritablement lieu de cinq censures; parce qu'elle doit estre attribuée à chacun de ces Evesques en particulier, comme faite pour son Diocese, auec l'auis de quatre autres de ses Confreres. Et ainsi on doit benir Dieu de ce qu'vne censure si autentique, entreprent particulierement les deux fources principales de ces corruptions, qui consistent en la Probabilité, & en la Direction d'intention, auec vne Do-Erine si fainte & si solide, que quand leurautorité sacrée, ne rendroit pas leurs decisions venerables à tous les fidelles, la force de leurs raisons & des preuues qu'ils raportent de l'Escriture, suffiroit pour en conuaincre toutes ses personnes raisonnables.

Vn peuapres parut celle de Monseigneur l'Euesque de Neuers du 8. Nouembre de la mesme année, où il fait voir auec vne sagesse veritablement pastorale, que ce seroit s'abuser que de croire qu'il sut permis de se taire pour le bien de la paix, en vn temps ou toute la Morale de IESVS-CHRIST, estantattaquée, on est au contraire obligé de parler & de crier pour la dessendre: & comme il ya vn temps de parler & vn temps de se taire dont la sagesfe divine apprend à faire le discernement, nous sommes aujourd'huy dans ce-

luy de parler à l'égard de ces mal-heureuses maximes.

Et l'onziesme du mesme mois de Nouembre parut la Censure de Monseigneur l'euesque d'angers, où l'opposition entre la regle que I es v s-CHRIST a prescrite aux Chrestiens, & celle que donne l'apologie, est découverte auec tant d'éuidence, qu'il n'y a personne qui ne conçoiue de l'horreur d'vn si étrange renuersement. Et comme il est arriué par vne conduite admirable de la prouidence de Dieu que tant de Censures qui ont esté faites d'vn mesme liure, l'ont attaqué principalement par quelque endroit particulier: celle-cy le prend du costé de la nouueauté, & montre si clairement par l'Escriture & par les Peres combien il est necessaire de suiure l'antiquité, qu'on ne doit plus craindre desormais le cours de ces inuentions nou-

Dans le mesme temps Monseigneur l'Euesque de Beauuais prenant l'occasion du saint temps de l'Aduent, pour faire instruire ses peuples d'une maniere toute contraire à ces pernicieux relâchemens, enuoya à tous les Curez de son Diocese cette excellente Lettre Pastorale du douzième Nouembre, pour répondre à la Requeste qu'ils luy auoient presentée, où il les exhorte d'inspirer à leurs peuples l'auersson de ces égaremens, & entr'autres de cette temerité qui est le fondement de tous, qui porte ces Casuistes modernes à mépriser l'autorité des Peres, des Canons & des Conciles, pour ne s'appuyer que sur cel-

les de ces nouveaux Auteurs de relâchement.

Monseigneur l'Archeuesque de Rouen confirma aussi le 4. de Ianuier de cette

année 1659. par vne Censure solennelle, le Iugement doctrinal que son Conseil auoit rendu contre ce liure pernicieux; & pour apprendre à tous ses Dioce-sains l'horreur qu'ils en doiuent auoir, il declare, Que c'est un monstre dans la Theologie Morale, & qu'on le peut appeller plus instement la condamnation des Ca-suistes, que leur Apologie. Et montre qu'auec quelque rigueur qu'on y agiste, ceux qui les dessendent doiuent encore reconnostre la moderation que l'Eglise garde aujourd'huy à leur égard, puis qu'on a condamné autre sois d'une manière bien autrement seuere des Liures bien moins dangereux.

Quelques jours apres fut faite celle de Monseigneur l'Euesque d'Euroux, où ayant fait le dénombrement des desordres qui sont permis par ce libelle, il fait voir que dans les mal-heureux temps où nous sommes, où l'on cherche des Docteurs & des Maistres selon le desir de son cœur, c'est exercer vne veritable douceur enuers les sidelles, que de les preseruer de ces doctrines flatteuses, & de les nourrir de la saine doctrine qui peut seule les guerir & les

sanctifier.

Et nous venons presentement de receuoir la Censure de Monseigneur l'Eucsque de Tulle, qui nous auoit esté jusqu'icy inconnüe, quoy qu'elle soit saite des 18. Auril 1658. dans laquelle il declare que ce Liure, qui ne saisoit alors que paroistre, quoy qu'il eut esté produit si loin de son Diocese, & qu'on y encust encore si peu de connoissance, est neanmoins si dangereux, qu'il te trouue obligé d'en preserver ses peuples, & de les auertir de se donner de accs nouneaux Pharistens, qui à force de multiplier leurs interpretations sur la Loy l'ont toute corrompüe, & plus ils ont voulus accommoder au sens, ou au goust des hommes, & plus ils ont éteint en elle, autant qu'ils ont pû, tout l'esprit de Dieu. Et il remarque par vn sage discernement. Que ce qu'il y a de plus dangereux dans cette piece, n'esfort pas seulement quelque endroit particulier au milieu d'une Theologie bien saine & bien sens que c'essoit phitosi un assemblage & un ramas de plusseurs propositions sur la pluspart des Commandemens de Dieu & d' Eglise, desquelles on anoit composé comme un cours d'une Morale bien corrompüe & bien scandaleuse.

Voilà ce qui s'est fait iusques icy sur le suiet de la Morale des Casuistes; & il y a lieu d'esperer que Dieu donnera d'heureuses suittes à de si heureux com-

mencemens pour le bien de son Eglise & la dessense de sa Verité.

Arresté le huislième Fevrier 1659, par les Deputez sous-signe, Signé,

MAZVRE, Docteur de Paris de la maison de Sorbonne, & Curé de saint Paul.

ROVSSE, Docteur de Paris de la Societé de Sorbonne, Curé de faint Roch, & Syndie des Curez de Paris.

DE BREDA, Docteur de Paris de la Societé de Sorbonne, & Curé de saint André des Arcs.

D V P V I S, Bachelier en Theologie, & Curé des faints Innocens.

MARLIN, Docteur de Paris de la Societé de Nauarre, Curé de saint Eustache, & Syndic des Gurez de Paris.

FORTIN, Docteur de Paris de la Societé de Harcour, & Curé de saint Christoste. GARGAN, Chanoine regulier de saint Augustin, & Curé de saint Medard.

GARGAN, Chanoine regulier de saint Augustin, & Curé de saint Medard. DAVOLLE', Docteur de Paris de la Societé de Nauaire, & Curé de saint Pietre aux Bœufs.

Wing

144 . A1

Web. 81

THE NEWBERRY LIBRARY